



AOAOINA O FA'AMATALAGA O MA'I FOU

O le isi taimi e te alu ai i le falema'i, e te ono vaai pe fesiligia oe i fesili fou e fa'atatau i lou ituaiga tagata, ituaiga fa'aleaganuu, gagana, itupa fa'afeusua'iga, itupa, ma vaega fa'aletonu o le tino.

E fa'afesoaa'i e falema'i fa'amatalaga e fa'atatau i tagata mama'i o loo nonofo i le Washington State Department of Health (DOH, Vaega o le Soifua Maloloina). Ua mana'omia nei e le tulafono a Uosigitone auaunga fa'atausi soifua maloloina i falema'i ina ia fesiligia tagata mama'i e fa'atatau i o latou tagata, ituaiga fa'aleaganuu, gagana, itupa fa'afeusua'iga, itupa, ma fa'amatalaga e uiga i vaega fa'aletonu o le tino.

E galulue fa'atasi le DOH ma komiuniti a Uosigitone pe a fa'atuina ni vaega fou. E fesoasoani leni fa'amatalaga i le setete mo le malamalama ia i latou e fa'aaogaina auaunaga a le falema'i ma mafuaaga e fa'aaoga ai. Afai e malamalama le DOH i auala e fa'aaogaina ai e le komiuniti le falema'i, e mafai ona matou fesoasoani i komiuniti i auala e sili atu ona aoga.

AISEA MATOU TE FESILI AI

O au tali i nei fesili e fesoasoani i le soifua maloloina o tagata lautele. E fia malamalama tagata galulue fa'aofisa mo le soifua maloloina o tagata lautele poo ai e sili atu ona aafia i le le tutusa o avanoa i auaunaga lelei fa'asoifua maloloina e maua, o ituaiga togafitiga fa'asoifua maloloina, ma i'uga o siaki fa'alesoifua maloloina. Afai matou te iloa mafuaaga e fa'aaogaina ai e komiuniti le falema'i, e mafai ona matou fuafuaina auala sili e fesoasoani ai i komiuniti. O le le tutusa o auaunaga fa'asoifua maloloina e maua o se mea faigata. O le tele o le tatou malamalama o le lelei foi lea mo i tatou.

E MAFAI ONA FAI LAU FILIFILIGA

E pule lava oe pe e te taliina nei fesili. E ui o se mea e tatau i le falema'i ona fesiligia oe i fesili uma ae e le mana'omia lou taliina uma. Mo fesili e te le fia taliina, e mafai ona e filifili le "Patient declined to respond (E le'i tali le tagata ma'i)." E fa'amoemoe le DOH o le a e taliina fesili nei, ina ia mafai ona matou auauna atu mo oe ma tagata Uosigitone uma i auala sili ona lelei.

E FA'APEFEA ONA E PUIPUIA O'U FA'AMATALAGA PATINO?

Matou te manana'o e lagona e tagata uma lo latou malupuipua i le taliina o fesili. O ou fa'amatalaga e matua malupuipua ma o le a teuina foi i fa'amaumauga fa'alilolilo a le soifua maloloina mo tagata lautele. E le aafia i lipoti a le DOH fa'amatalaga patino, e pei o le goa poo le aso fanau.

O le fa'asoaina mai o ou fa'amatalaga ia i matou o le a le aafia ai soo se penefiti e te maua mai i le setete, e pei o le Supplemental Nutrition Assistance Program (SNAP, Polokalame Fesoasoani mo Meaai Fa'aopopo) poo le Apple Health. O leni fa'amaumauga o le a le fa'asoaina atu i le ofisa o femalagaa'iga.